

ԵԿԵՂԵՑԱԿԱՆ ԺԱՄԱՆԱԿԱՆ ԳՐՈՒԹԻՒԹԻՒՆ

Կ. ՊՈԼՍՈՅ ԱԶԴԱՅԻՆ ՎԱՐՉՈՒԹԵԱՆ ՀՅՈՒՐՈՒԿԱՆ

ԵՒ ԵՐԵՄ. ԺՈՂՈՎՆԵՐԻ.

Հոկտեմբ. 22-ին գումարուել է ազդ. Երես. ժողովը Ղալաթիոյ եկեղեցու մէջ. եկեղեցու բակում խռնուած ամբոխը կամենում է խուժել եկեղեցի, բայց սստիկանութիւնը արգելում է և ամբոխից 10—12 հոգի ձերբակալում են. Այս ամբոխման հետևանքով ժողովը գժուարանում է զբաղուել օրակարգի խնդիրներով. Միայն որոշել է կոչում անել Ազդ. կենդրօնական վարչութեան, որ վարի իւր պաշտօնը մինչև որ ազդային ժողովը մի որոշակի կըտայ իւր հրաժարականին. Այս որոշումը Մայր դիւանի կողմից հաղորդուել է կրօնական և քաղաքական ժողովի ատենապետներին. Մակայն քաղաքական ժողովի ատենապետ գորտ. Սեղբոսեանը բացարձակապէս հրաժարուել է. քաղաքական ժողովի անդամները նոյնպէս տրամադիր չեն պաշտօն վարելու, նոյնն են մտածում և կրօնական ժողովի անդամները, որոնք չեն կամենում առանձին ստանձնել ազդի վարչութիւնը, մասաւանդ այս շփոթ պայմանների մէջ. Պատրիարքական փոխնօրդը հաղորդում է Սրբազն պատրիարքին ազդային ժողովի որոշումը, որ մինչև հրաժարականի խնդրի կարգաւորուելը շարունակի պաշտօնավարել, սակայն Սրբ. պատրիարքը պատրիարքարան չէ գալիս և թղթերին ստորագրում է որպէս «հրաժարեալ պատրիարք»:

Ազդային ժողովի Ա. ատենապետ Գաբրիէլ էֆ. Նորատունկեանն էլ պատճառաբանելով իւր տկարութիւնը, հոկտմ. 27-ին ուղղել է Բ. ատենապետ Պարգև էֆ. Փափաղեանին իւր հրաժարականը:

Հայոց պատրիարքարանի Մայր դիւանը Ազդ. ժողովի գումարման համար հոկտեմ. 25-ին հրատարակում է հետիւեալ ազդը.

«Ազգային ժողովոյ 1910—1911 նստաշրջանի Ա. նիստը տեղի պիտի ունենայ յառաջիկայ ուրբաթ, 29 հոկտեմբեր ժամը ճիշտ 7-ին (ը. թ.) Ղալաթիոյ խորհրդարանին մէջ։

Նկատողութեան առնելով օրակարգի խնդիրներուն ստիպողական հանգամանքը, կիսնդրուի, որ հաճիք անհրաժեշտաբար ներկայ գոտուիլ առյն գոնիքակ նիստին, և կատարել Զեր ազգասիրական պարտականութիւնը։

Մնամ յարգահօր Ազգ. ժողովոյ Բ. ատենապետ
Պարզե Փափաղեան։

Օրակարգ

1. Հրաժարական Ազգ. կենդր, վարչութեան Խառն ժողովոյ (շար, վիճաբանութեան)։

2. Հրաժարական ամեն. Ա. պատրիարք Հօր։

3. Ըստրութիւն Ս'ոյը դիւանի Ազգ. ժողովոյ։

4. Ելեմտացոյց կեդր, անդուկի 1910 տարւոյ յարակից տեղեկագրով։

5. Երեք առաջարկներ ի մասին միջինդներու։

(Օրակարգի միւս խնդիրները կը մնան նոյնութեամբ, իրենց կարգին նկատողութեան առնելու համար)։

Ասենադպիր Վահան Թէքեան

Սակայն հոկտեմբերի 29-ին Ազգ. ժողովի նիստը տեղի չի ունենում. որովհեաև Ղալաթիայի խորհրդարանի շուրջը մեծ բազմութիւն է խռնւում երկու հակառակ կողմից ևս, որոնք իրար հանդէպ սպասողական գիրք են բռնում, և թէև ոստիկանութիւն էլ չի լինում, բայց բարեբաղդաբար ընդհարումն ևս չէ լինում։ Այս ամբոխման վատ հետեւանքից զգուշանալով՝ ազգ. ժողովի Բ. ատենապետը ամբիոն բարձրանալով սակաւաթիւ երեսփոխանների ներկայութեան կարգում է։

«Ազգ. ժողովի օրակարգի ստիպողական խնդրոց շուրջը վերջնական համաձայնութեան մը դալու նպատակով,

պատուարժան երեսփոխաններու կողմէ եղած դիմումները
ինկատի առնելով, Մայր Դիւանն որոշեց ՅԵԺՈԶԴԵԼ.

Ազգ. ժողովոյ այսօրուան նիստը:

Դ. Ատենապալիր

Բ. Ատենապետ

Տօֆ. Մութաֆեան

Պարզեւ Փափազեան

Դալաթիոյ խորհրդարան. հոկտ. 29.

Նոյեմբ. 19-ին Ղալաթիայի լուսաւորիչ եկեղեցու
խորհրդարանում գումարած երես. ժողովը աղմկալից է
եղել և օրակարգի խնդիրները մնացել են. Եկեղեցու բա-
կում խոնուած ամբոխը անարդական ցոյց է արել ժողո-
վից գուրս եկող երեսփոխաններին:

Ա. Պատրիարքի, քաղաքական եւ կրօնական ժողով-
ների հրաժարականները ընդունուած.

Նոյեմբերի 26-ին Կ. Պոլսոյ Ազգ. ժողովը ընդու-
նել է Սրբազան պատրիարքականը Հրաժարականը հետևեալ
բանաձեռվ.

«Ժողովս նկատելով, որ Ս. Պատրիարք Հայրն ինքինքն
անբաւական կղզայ իր սկզբունքներով արդիւնաւոր ըն-
ծայելու իր պատրիարքական պաշտօնը, կընդունի անոր
հրաժարականը, խնդրելով, որ իր պաշտօնը շարունակէ
մինչև նոր վարչութեան ընտրութիւնը»:

Ազգ. վարչութեան կրօնական և քաղաքական ժողով-
ների համար նոր ընտրութիւն է կատարուել և սկսաւում
է հաստատութիւնը կառավարութիւնից:

Ռումանիայի Հայք

Բիւզանդիանը հաղորդում է, որ Երուսաղէմի Հայոց
պատրիարքական տեղապահ Տ. Դանիէլ արքեպիսկոպոսը
իւր վերադարձին Ռումանիայից անցնելով, տեսել և հա-
ղորդել է Սրբազան պատրիարքին Ռումանիայի հայերի
հոգեոր անմխիթար կացութիւնը, և յայտնել է, որ կար-
գուի այնտեղ մի հոգեոր տեսուչ կամ առաջնորդ, որը

Նիւթականի կողմից դժուարութիւն կրելու չէ:

Տ. Դանիէլ արքեպիսկոպոսը պէտք է տեսակցի Աղաւտեան Մանուկ էֆէնտիի հետ էլ, որը իրբև Գալացի նախկին ընդհանուր հիւպատոս գիտակ տեղական հանդամանքին և ծանօթ Ռումանիայի դեսպանին, վերսկսի իւր բանակցութիւնները դեսպանի հետ, որպէս զի Ռումանիայում՝ նշանակուելիք առաջնորդը ճանաչուի ուսւմէն կառավարութիւնից և նրա հովանաւորութիւնը վայելի իւր պաշտօնավարութեան ժամանակ:

Տեղական գաւառական ժողովներից ընտրուել են առաջնորդ—Տ. Տրդատ եպիսկոպոսը՝ Տրապիզոնի և Տ. Եղիկի ծ. վ. Գալփակչեանը՝ Բալուի:

ՀԱՅ ԿԸԹՈՂԻԿ ԵԿԵՂԵՑԻ

Հայ կաթոլիկների պատրիարք Թերզեանը պաշտօնանկ է արել Ս. Յովհաննու Ուկերերանի եկեղեցու մեծաւոր Պաքշեան և Երրորդութեան եկեղեցու մեծաւոր Գաղրիկեան ծայրագոյն վարդապետներին, որոնք անուննուած են իւր խորհրդականներ, սակայն երկուքն էլ հրաժարուել են այդ տիտղոսական պաշտօններից: Վարդապետների այս պաշտօնանկութիւնը, որ կատարուել է աւզզակի Թերզեան պատրիարքի կողմից, համարւում է ճնշման հետեանք, որ Հռովմից գործում է Պոյունեան եպիսկոպոսը, վրէժ լուծելով իւր հակառակորդներից: Թերզեան պատրիարքի Հռովմ գնալն էլ յապազում է, թէև տեղապահ ձամճեան եպիսկոպոսը Բրուսայից արդէն կ. Պօլիս է հասել:

Հռովմում Լեսնեան վարժարանի աշակերտները հայերէն «Թղեակ Լուսաւորչի» անունով սկսել են մի թերթ հրատարակել, ուր փողոցային լեզուով յարձակուելիս են եղել ազգային իրաւունքը պաշտպանող կղերի և ժողովրդեան վերայ, սակայն Թերզեանի խնդրով այդ թերթը խափանուել է: